

石刻鋪叙

八



石刻鋪敘

石刻鋪敘目錄

卷上

紹興御書石經

益郡石經

鐘鼎彝器款識帖

祕閣及諸郡帖譜

祕閣前帖

淳化初刊
大觀重刊

絳帖

卷下

長沙帖

廬陵帖

清江帖

武岡帖

元祐祕閣續帖

汝帖

武陵帖

淳熙祕閣前帖

淳熙祕閣續帖

羣玉堂帖

鳳墅前帖

畫帖

續帖

蘭亭敘

定武蘭亭刻

六一先生集古錄

石刻鋪敘目錄

卷一

卷二

卷三

卷四

卷五

卷六

石刻鋪敘卷上

義門書塾評本

鳳墅逸客會

宏父

纂述

紹興御書石經

靖康丁未夏四月皇宋中興高宗即大位改元
 建炎至紹興十三年癸亥通十九年金國侵凌
 干戈之日居多乃能親御翰墨作小楷以書周
 易尚書毛詩春秋左傳全帙又節禮記中庸儒
 行大學經解學記五篇章草語孟

論語波法類
章草實楷與

行之閒惟最初書孝經乃作真草
二本耳宏父當日似不盡見也

悉送成均九

月甲子左僕射秦檜請鑄石以頒四方卷末皆刊檜跋語

益郡石經

陸務觀訪楊先生不遇因至石室落句云出門還悄悄到屋打

碑聲自注牆東即石經堂

孝經一冊二卷序四百三十九字正經一千七

百九十八字注二千七百四十八字孟蜀廣政

七年三月二日右僕射毋昭裔以雍經石本校

勘簡州平泉令張德釗書

趙希弁讀書附志云孝經不題所書人姓

氏殆趙之誤

鑄工穎川陳德謙

門書鑿石本

論語三冊十卷序三百七十二字正經一萬五千九百十三字注一萬九千四百五十四字廣政七年四月九日校勘書鑄姓名皆同孝經

爾雅一冊二卷不載經注數目廣政七年甲辰六月右僕射毋昭裔置簡州平泉令張德釗書鑄者武令昇

周易四冊十二卷又略例一卷正經二萬四千五十二字注四萬二千七百九十二字廣政十四年辛亥仲夏刊石朝議郎國史毛詩博士孫

逢吉書

毛詩八冊二十卷正經四萬一千二十一字注
十萬五千七百一十九字將仕郎祕書省祕書
郎張紹文書鑄工張延族

尚書四冊十三卷正經二萬六千二百八十六
字注四萬八千九百八十二字將仕郎祕書省
校書郎周德貞書鑄工陳德超

儀禮八冊十六卷正經五萬二千八百二字注
七萬七千八百九十一字

禮記十冊二十卷正經九萬八千五百四十五
字注十萬六千四十九字以唐元宗所刪月令
爲首曲禮次之亦張紹文書

周禮九冊十二卷正經五萬五百八字注十一
萬二千五百九十五字將仕郎祕書省祕書郎
孫朋吉書

春秋左氏傳二十八冊三十卷序一千六百一
十七字經傳十九萬七千二百六十五字注十

四萬六千九百六十二字

蜀鐫至十
七卷止

穀梁六冊十二卷傳四萬一千八百九十字注
三萬九千七百三十字

公羊六冊十二卷傳四萬四千七百三十八字
注七萬七千三十七字

畢工於皇祐元年己丑九月望日帥臣樞密直
學士京兆郡開國侯田況益州路諸州水陸轉
運使曹穎叔提點益州路刑獄孫長卿暨倅僉

皆鑄銜於石

容齋續筆記田況大書爲三行曹穎叔孫長卿各細字一行又差低

於況洪云今雖執政作牧監司亦與之雁
行蓋以當附書後列銜爲妄變前式也
成都

志又謂公穀田況所刻

孟子十二卷宣和五年九月帥席貢暨運判彭
慥方入石踰年乃成計四冊

考異一冊乾道六年庚寅三月旦東里晁公武
校石經與監本不同者作爲此書

易

五

書

十

詩

四十

周禮

四十

儀禮

三十

禮記

三十

左傳

四十

公羊

二十

穀梁 二十

孝經 四

論語 八

爾雅 五

孟子 二十

此正經不同者如此傳注不與

古文尚書三冊三卷蓋唐天寶未廢古書前傳

本中汲郡呂大防得之於宋次道王仲至家乃

元豐五年壬戌鏤版乾道六年庚寅帥晁公武

取以入石教官張大固等監刊

益郡石經肇於孟蜀廣政悉選士大夫善書

者模丹入石七年甲辰孝經論語爾雅先
成時晉出帝改元開運至十四年辛亥周
易繼之實周太祖廣順元年詩書三禮不
書歲月逮春秋三傳則皇祐元年九月訖
工時我宋有天下已九十九年矣通蜀廣
政元年肇始之日凡一百一十二禩成之
若是其艱又七十五年宣和五年癸卯益
帥席貢始湊鑄孟子運判彭慥繼其成乾
道六年庚寅晁公武又鑄古文尚書暨諸

經考略洪文敏公邁謂孟蜀所鐫字體清
謹有正觀遺風續補經傳殊不逮前且引
魏證虞世南相繼爲祕書監日請選五品
以上子孫工書者爲書手蓋欲字畫清婉
可以傳久是以自經傳以後非士夫所書
皆不著姓氏若漢石經今不易得好古者
所藏僅十數葉蜀中又以翻刊入石黃長
睿謂開元中藏拓本於御府以開元二字
小印印之是元宗時已罕得況今又六百

年後耶

鐘鼎彝器款識帖

二十卷定江僉幕

陳氏書目作通直郎

錢唐薛尚功編

次并釋起於夏而盡於漢初卷夏琫戈鉤帶
商鐘鼎二卷商之尊彝三則卣四則壺爵五
則觚舉觶敦甗鬲盃匜槃戈皆商器也六之
七悉載周鐘八之後益以磬銘九之十則鼎
之篆識十一爲尊卣壺舟寶十二爲觶角彝
匜十三至十四盡敦銘十五則簠簋豆盃十

六則甌鬲槃盂盃十七則戈鐸鼓琥皆周器也十八卷秦璽權斤居前其後爲漢鐘甬鈇鼎鼐十九乃鑪壺卮律管匱洗鉦末卷則鐙錠燭槃甌釜甑弩機皆漢器也紹興十四年甲子六月郡守林師說爲鐫置公庫石以片計者二十有四視汝之所刻武陵所鑄金石篆隸則此帖爲備自漢以降則變隸爲楷變楷爲草祕閣續帖詳之矣郡守譙令憲又別鐫王右軍十七帖於庾樓

帖譜

淳熙祕閣續帖

十二年乙巳

翻淳熙祕閣前帖

十二年乙巳

翻清江帖

元祐七年壬申

翻廬陵帖

皇祐

翻長沙帖

慶歷五年乙酉

祕閣前帖

淳化三年壬辰
刻石大觀
重刻

元祐祕閣續帖

五年庚午

編類成武陵帖

紹興十一年辛酉

增減成絳帖
翻武岡帖

汝帖

大觀二年巳丑

羣玉堂帖

太師平原郡王韓侂胄所集刻

鳳墅前帖

曾宏父

畫帖

時賢題詠帖

續帖

閣絳諸郡帖譜具前今鋪敘於後

祕閣前帖

衍極注云他本刊卷數在上版數在下惟此本卷數版數字皆

相連屬他本行數字比帖小而瘦此本字數比帖中皆大而濃。洞天清祿集

云前有界行目錄

十卷淳化三年壬辰翰林院所鑄侍書王著編次緒正以歷代帝王帖爲初卷而冠以漢章帝書博古者多議此乃漢代章草耳非章帝所書又謂自漢章而下至梁簡文七帖竝一手僞爲之二之四卷則歷代名臣帖寘蒼頡夏禹書於第五卷六之八卷悉王羲之書七卷誤攬入釋

智永一帖九之十則獻之書米元章黃長睿辨
其真贋各卷條列甚詳累數千言見之法帖刊
誤蓋其源得自江左多南唐善書者取前賢語
以意成之非臨非摹是謂倣帖藏之祕閣凡數
匣明題云倣書皆用澄心堂紙與李廷珪墨悉
後主在江南日所製者宣政閒守官祕閣如劉
無言輩猶及見之淳化畢工碑龕禁中大臣登
二府者榻以賜焉歐陽文忠謂中爲火所焚或
言其碑元在但其後不以賜臣下按國史仁宗

天聖十年壬申八月禁中火延燔崇德等八殿
帝奉太后避火苑中後二十年皇祐三年辛卯
楚公劉沆入參大政猶有榻本嘉祐五年庚子
兗公歐陽脩爲樞副則無之是罷賜典故當在
至和以後乃仁宗末年大觀初徽宗視淳化帖
石已皴裂且王著標題多誤詔出墨蹟更定彙
次較淳化所刻非若絳帖他有去取增減祇併
武帝一帖合於西晉武帝帖後擇七卷右軍帖
丙誤入智永書列在第五卷合首卷古帖三段

併而歸一及躋晉宣於晉武上之類使先後次序不紊迨名臣帖亦然俾蔡京書上及卷首末刊石太清樓下此正國朝盛時典章文物燦然備具百工技藝咸精其能視淳化草創之始自然不同且當時盡出元藏真帖臨摹定其舛誤非若外方但因石刻翻刊京雖驕吝字學恐出王著右是大觀之本愈於淳化明矣經靖康之禍新舊二刻莫知存上

閣帖目錄

淳化編次

天觀更定

第一卷

漢章帝

漢章帝

晉武帝

西晉宣帝

宣帝

西晉武帝

東晉元帝

東晉元帝

明帝

東晉明帝

康帝

東晉康帝

哀帝

東晉哀帝

簡文帝

東晉簡文帝

文孝王

宋明帝

武帝

齊高帝

宋明帝

梁武帝

齊高帝

梁高帝

梁武帝

梁簡文帝

高帝

唐太宗

簡文帝

唐高宗

唐太宗

東晉文孝王

高宗

陳長沙王

陳長沙王 叔懷

陳永陽王

永陽王 伯智

第二卷

洛下金陵諸賢次序亦錯亂新學禁人讀史之弊也

漢張芝

後漢車騎將軍崔子玉

崔子玉

後漢張芝 權場中來南者英字鏡去

魏鍾繇

魏太傅鍾繇

末筆

吳刺史皇象

吳青州刺史皇象

晉丞相張華

晉尚書令衛瓘

丞相桓溫

晉黃門郎衛常

丞相王導

晉侍中張華

丞相王敦

晉丞相王導

中書令王洽

晉中書令王洽

司徒王珉

晉尚書令王珣

司徒王珣

晉中書令王珉

侍中王廙

晉太宰郗鑒

太宰郗鑒

晉侍中郗愔

侍中郗愔

晉中書侍郎郗超

中書郎郗超

晉侍中王廙

尚書令衛瓘

晉太傅謝安

黃門郎衛恒

晉散騎常侍謝萬

二謝合在
桓温後

太傅謝安

晉侍中王敦

散騎謝萬

晉丞相桓温

第三卷

晉太尉庾元亮

晉齊獻王侍中司馬攸

車騎將軍庾翼

晉侍中杜預

太守沈嘉長

晉司徒山濤

齊王杜山合在
伯玉茂先前

侍中杜預

晉太尉庾亮

權場中來
南者鑿去

亮
字

王循

晉車騎將軍庾翼

二庾合在
桓温前

劉超

晉太守沈嘉長

散騎謝璠伯

晉中軍將軍王循

黃門郎王徽之

晉侍中卞壺

謝莊

晉衛尉劉超

侍中司馬攸

晉散騎常侍謝璠伯

劉瓌

晉黃門侍郎王徽之

王坦之

晉侍中王操之

王渙之

晉左將軍王凝之

王操之

晉王渙之

王凝之

晉中丞劉瓌之

司馬索靖

晉中書令王坦之

侍中劉穆之

晉征西司馬索靖

尚書王劭

晉尚書令王劭

車騎紀瞻

晉中書令王恬

司徒王廞

晉司徒王廞

太守張翼

晉侍中紀瞻

陸雲

晉太守張翼

海陵恭侯王邃

晉都督陸雲

索靖陸雲合在張華
之後紀瞻合在卞壺

之前

中書令王恬

晉海陵恭侯王濂

太守山濤

晉謝發

侍中卞壺

宋光祿大夫謝莊

謝莊當在

曇首琳之後

謝發

宋侍中劉穆之

宋特進王曇

宋特進王曇

曇首不應仍譌王曇

中散大夫羊欣

宋中散大夫羊欣

太常卿孔琳之

宋太常卿孔琳之

齊侍中王僧虔

南齊侍中王僧虔

第四卷

梁尚書王筠

晉西中郎將陳達

陳達與桓

元子同時

特進沈約

宋給事中薄紹之

刺史阮研

宋征西將軍蕭思話

征南將軍蕭確

梁尚書王筠

蕭思話

梁特進沈約

蕭子雲

梁交州刺史阮研

陳朝陳達

梁廣州刺史蕭確

唐褚遂良

梁侍中蕭子雲

祕監虞世南

唐祕書監虞世南

率更令歐陽詢

唐中書令褚遂良

諫議柳公權

唐率更令歐陽詢

歐名筆在

李邕

褚公之前

李邕

唐禮部尚書薛稷

諫議褚廷誨

唐朝散大夫陸柬之

尚書郎薛稷

唐諫議大夫褚廷誨

刺史徐嶠之

唐祕書監李邕

長史陸柬之

唐廣平太守徐嶠之

薄紹之

唐太子太師柳公權

翻本卷末增顏魯公奉辭帖又移置第五卷中張旭帖於魯公之前題曰左丞長史

第五卷

蒼頡

史蒼頡

夏禹

夏禹

魯司寇仲尼

太史籀

史籀

魯司寇仲尼

秦丞相李斯

秦丞相李斯

秦程邈

秦御史程邈

宋儋

東漢蔡琰

衛夫人

晉衛夫人

古法帖

宋儋 宋澹唐人乃置之隨前何也

隨朝法帖

隨法帖

僧智果

隨僧智果

何氏帖

隨僧智永

蔡琰

何氏帖

古法帖

唐張旭

僧懷素

唐僧懷素

張旭

古法帖

古法帖

古法帖

古第六至第八卷

宋徽宗
宋徽宗東人代置

王羲之

晉書夫人

宋第九至第十卷

東魏蔡邕

王獻之

秦碑與豎鱗

絳帖

秦丞相李冰

前後各十卷相傳駙馬潘正夫

乃尚書郎潘師旦非潘正夫也

以閣帖增損翻刊閒摹淳化被旨歲月於卷末
然不見跋尾無自稽考編次多有不同閣以漢
章書爲首列蒼頡夏禹書於第五絳則以蒼頡
夏禹書爲初卷寘歷代帝王書於後帖之二卷
閣總二王帖爲五卷絳則前後帖皆有之衍而
爲十且以第二卷張芝王洽書析爲第二第五
卷以第三卷庾元亮卞壺書析爲第三第四卷
古帝王帖則刪漢章帝晉宣帝明康哀簡文帝

梁高帝簡文名臣帖則削司馬攸王劭王廞梁
蕭子雲僧智永唐李邕等數帖卻增入王濛羊
詒書後帖一卷全刊入本朝太宗宸翰二卷末
冬晚書院偶成一章則當以吳越忠懿王書作
標目猶前段高宗皇帝書之類何由自於謚號
下花押如此是自稱於生前九卷增入張旭干
文四十五字藏眞草書乃素書跋顛旭語後云
顛草之趣貴在雄逸藏眞乃云其辭又非專爲
此卷干文但絳初入石定爲直行岡之與鼎則

爲橫碑十卷增入顏魯公王廙高閒李建中書
或謂他所刊之帖皆以橫石而絳獨立石印榻
之際上下字蹟相聯既裁爲經冊手軸則何所
考竟且匠者摹榻必通爲一碑無緣逐截橫榻
何由相綴又謂紗紙紋可辨要當自有眼目潘
尚哲宗第四女正夫所尚者秦國公主歐陽公集古錄
跋尾謂近時有尚書郎潘師旦以官帖私自模
刻於家則尚哲宗女者殆其後人絳帖之刻當
在仁宗季年非出於紹聖元符之日也。絳帖
本又誤以尚書郎爲尚書。洞天清祿集記刻
絳帖者潘舜臣後分二子卷卷析以爲二伯仲中一人

最吝常苦其半不可得太守又憚於挾勢挾貴
而求者不能全致始募工重刊於郡齋視舊本
所差不毫釐其訛缺處亦逼真但神氣微弱嘉
定閒李全在山東印楊絳帖以遺要人或以售
好事者又有自權場貿易以來者殆古刻不存
再翻新本謂卽岡帖僞爲非也岡之梅斑麤率
況其筆意予所見絳帖陸續幾十覺藏真草書
筆勢皆有截斷處良由元係橫書絳刊入石遷
就移作直行岡以絳爲祖不敢有毫髮異乃獨

此帖易直爲橫鼎帖紹興續刊者也亦舍絳而取法於岡是橫刊之爲當矣至於以橫碑翦爲直行裝褙是又僞之拙者此以岡帖或鼎帖湊成且其文自不甚順溜未易以意釋但今之辨帖者執此以別真贗

閣帖本無而全卷增入

太號

太宗御書

封號

唐張旭書

懷素跋

書號

顏真卿書

王廙書

懷素書

高閒書

李建中書

閣帖本無而卷內增入其人

王濛

羊詒

僧智果

書梁武帝評書。智果所書梁武
書評自是閣帖所有何謂增入

閣帖本有而卷內刪去其人

漢章帝

晉宣帝

明帝

康帝

哀帝

簡文帝

文孝王

梁高帝

簡文帝

晉司馬攸

王劭

王廞

謝發

梁蕭子雲

唐李邕

閣帖卷內所載而增其帖

王珉 美食

王廙 聖體勝常得書

虞世南 名公書

柳公權 蒙恩絲鞞蘭亭詩

唐太宗 秀岳銘

王羲之

山號

景風

藥方

無號

永興衰疾

遣鄉里人

秋中感懷

以號

二十八重熙

勿殺一生

毀塞

日五問

斬足

為此

淡悶

不知君

報號

轉久霜寒

腫不差疾患差

願號

適欲遣書

百朝放懸

從子弟新為

范新婦東問馳情

閒者

近道

小婢悉佳

王獻之

壯號

婢日久思戀

帝號

錫錒

居號

二妹

上號

閣帖卷內新載而刪其帖

西晉武帝 刪一帖

唐太宗 刪十六帖

高宗 刪六帖

晉張芝 刪一帖

鍾繇 刪五帖

索靖 刪一帖

陳遼 刪一帖

唐虞世南 刪二帖

褚遂良 刪二帖

柳公權 刪二帖

王羲之 六卷 比奉對 情至 都邑 諸從 梅蜀 知問

熙存 兒女 山川 諸奇 譙周 嚴君平 口言 餞行 面近 君可

四月五日 侍中 近因 憂勞
寫懷

七卷 君歡 龍保 當西 清宴
朱處仁 惆悵 鹽井 七十

八卷 當北 伏想 若耶 噉麪
晚可 知問 延期 脩齡

晚得 闊轉 自愛 故爾 上虞昧
得汝

王獻之 **九卷** 想彼悉佳 永嘉
節近 前告

十卷 助汝 轉勝 消息 集聚
鐵石 散懷 元度 勝常

慶至 服地 黃鴨頭丸 東陽
豹奴 益州 散騎 散情 府君

服油 平安

閣帖同其人而全換其帖

歐陽詢 年廿 放誕 茗草 去歲

石刻鋪敘卷上

石刻鋪敘卷下

鳳墅逸客會 宏父 纂述

長沙帖

衍極注云增入霜寒十七日王濛顏真卿諸帖逐卷各有歲月第一

卷題曰慶歷五年季夏慧照大師希白
模勒第二卷慶歷八年仲冬月慧照大
師希白重模第三卷則五年六月第四
卷八年仲冬日第五卷戊子歲孟冬第
六卷五年季夏第七卷五年仲秋月每
卷各有慶歷及慧照大師重模字內第
三卷山濤帖末有風惻感之語不成文
蓋謝發帖云執筆惻感今至執字止山
濤帖云風雨所動云云今至風字止卻
移筆惻感三字在濤帖之後移雨所動
以下十九字在發帖之後又第
六卷右軍字先後失次尤甚

十卷實祕閣前帖翻本內義獻帖略有增入慶
歷閒慧照師錢希白摹鑄自五年乙酉至八年
戊子訖事嘗觀雜文中載東坡自儋耳移合浦
見桂帥程欽之潭帖冊各題其後第二卷云唐
太宗作詩至多亦有徐庾風氣而世不傳獨於
初學記時時見之第四卷云吳道子始見張僧
繇畫曰浪得名耳已而坐臥其下三日不能去
庾征西初不伏逸少有家雞野鷺之論後乃歎
其爲伯英再生今觀其書乃不逮子敬遠甚正

可比羊欣耳第六卷云宰相安和殷生無恙宰相當是簡文帝殷生則深源也邪第八卷云希白作字自有江左風味故長沙法帖比淳化待詔所摹爲勝世俗不察爭訪閣本誤矣此逸少一卷尤妙庚辰七夕合浦官舍借觀第九卷云謝安問獻之君書與尊公何如荅曰固自不同曰外人不爾內人那得知邪今刻皆不曾以坡書添入逐卷要是當時題於程所藏碑刻潭無真蹟故闕如也但二卷郊愔書第三卷帖何以

斷當字分兩行希白善書者於此殆不可曉後
又有山谷評釋今長沙帖閒不存希白臨摹歲
月或云土人又私翻木版有紋可辨容齋隨筆
謂坡僊遺墨今藏其家有數字差異

廬陵帖

十卷亦祕閣前帖翻本皇祐中郡人蕭太博汝
器暨其弟殿丞汝智相繼宰和之含山得丞相
劉楚公被賜閣帖翻摹入石攜歸鄉居後五十
年崇寧丙戌殿丞之子綸又自脩補訛闕中不

知何事乃歸郡齋今又百四十年碑石散失不可模榻間有存者蓋數十年舊本蕭之族今盛於吉水之九江

清江帖

十卷又名戲魚堂帖亦祕閣前帖翻本元祐七年壬申五月劉次莊得呂金部和卿閣本臨刻外有釋文十卷或咎所鑄過巧失真郡又別有

二王帖亦石碑自述釋文之誤

二王帖三卷乃南渡後郡博士

時所摹釋文後跋云丙寅歲元夕守許開題開字仲啓嘗爲中奉大夫提舉武夷沖祐觀有

志隱類彙二十卷見趙君錫讀書附志開字洞天清祿集誤為閑後人多仍之賴跋語及君錫書證明丙寅是開禧二年

武岡帖

晁氏讀書志云皇朝王若谷以祕閣法帖合潭絳臨江汝海諸帖參

校有無補其遺逸成是書鼎守張斛刻之石。此亦名鼎帖有八分千文名號及武陵字。名銜中有胡寅。大成案鼎州今湖南常德府

前後總二十卷乃絳帖翻本不載入石歲月後帖之九卷張旭書其藏真顛草數十字則橫鐫於石筆勢清勁蜿蜒立意本奇於絳之直行人多貴耳而賤目但以罕得為重遇絳刻大訛闕

處鏡爲梅紋今人多榻此碑僞作絳帖至橫刊
藏真顛草翦以直背成冊雖古刻筆勢元有斷
續至於翦痕則心勞而拙

續閣帖

續帖行最高曾見殘本卷首字瘦勁而欹側亦必蔡京之爲也山谷

云劉無言簽題寶刻叢編中載越州有祕閣續帖十卷在州學則此帖南渡有

重開本也

十卷元祐五年庚午四月祕省乞以淳化閣帖
所未刊前代遺墨入石有旨從之至徽宗建中
靖國元年辛巳八月畢工歷十一年費緡錢一

十五萬乃成摹寫者待詔邵彰上其事者祕書

少監鄧洵武孫諤也首卷晉唐帝后書二卷三

卷悉王羲之書四又羲之暨其子操之等筆丙申

見第四卷殘本前題云晉右將軍王羲之書雙行側注操之等附豐肥而有力然疑其中頗多

偽蹟所摹蘭亭宜勘校何本蘭亭即今所傳神龍本詳袁清容集中五又所書黃

庭經今穎上黃庭類續帖而失真樂毅論蘭亭敘六又其家

寶章集七卷乃晉索靖所書月儀八則虞世南

賀知章柳公權帖後則無名人帖九則李懷琳

書嵇康絕交書孫石雲云續帖宋榻第六卷萬歲通天進帖較真賞齋反瘦第

九卷李懷琳絕交書較停雲館所刻亦瘦末卷唐無名人所書月儀

諸帖多不入此刻蓋徽宗朝此碑方成諸郡翻

本歲月在前惟鼎帖刊在紹興故得取以攬入

卷帙

汝帖

十二段大觀三年己丑八月郡守敷陽王家刊石寘郡之坐嘯堂第一則金石文八種二則秦漢三國刻五種三則晉宋齊梁陳五朝帝王書三十行四則魏晉九人書四十八行五則晉渡

江三家帖四十八行六則二王帖并洛神賦七
則南朝十人書八則北朝胡晉書十二種九則
唐三朝帝后四書十則唐歐虞褚薛書十一則
唐六臣書十二則唐迄五代諸王七人書二百
六字每段皆刻汝之郡印暨王敷陽所題標目
會稽亦有翻本黃長睿深譏其謬案後仕亦通
顯坐降天神事爲林靈素所擠不得其死

武陵帖

大成案董元宰曰王百穀所藏宋
榻絳帖疑爲澧州帖觀其每數十

行輒有武陵二字又疑爲鼎帖繙閱第
一卷以宋太宗爲弁跋曰太宗皇帝御

筆在絳州摹爲諸帖之首後款名曰鼎
州提舉曰沅辰判事常德爲鼎州而武
陵其附城邑也乃定爲鼎帖特爲絳州
二字所誤而世人只知有絳帖遂誤爲
絳州帖耳

二十二卷紹興十一年辛酉十月郡守張斛集
祕閣法帖合潭絳臨江汝海諸帖參校有無補
其遺闕以成此書後列郡官名銜以本朝太宗
御書冠於首卷二卷至四則古帝王書增隋煬
帝絳閣之所無者五卷又蒼頡夏禹書暨古鐘
鼎款識六卷以後則歷代名臣帖十卷之末卽

石表錄卷一
二王書互十七卷之首而止二十卷則顏魯公
帖居半張長史草書亦係橫刊視閣絳名賢帖
多五之一末卷亦祖絳帖殿以李建中字較之
諸帖爲詳然止木本世稱舊有石碑前未之見
且跋語亦不敘及儻有舊刻安能入閣之續帖
晉武消息書唐明皇鵲鷓頌等帖

淳熙祕閣前帖

十卷卽淳化祕閣前帖翻本十二年乙巳二月
脩內司被旨翻刊首卷髣髴猶存古本淳化歲

月後乃磨去

淳熙祕閣續帖

洞天清祿集云寶慶火災其石不存

十卷十二年三月被旨摹勒入石皆南渡後續得唐朝遺墨首卷則鍾繇王羲之帖次則羲獻書內黃庭經小楷後有臣遂良臨四字三卷歐陽詢蕭瑀褚庭誨孫思邈狄仁傑張旭顏真卿七賢書四卷則明皇批荅裴耀卿等奏狀五卷李白胡英李邕白居易帖六則張九齡三相暨李紳告身七則李陽冰篆李德裕畢誠李商隱

書八則懷素顛草九則高閒亞栖齊己書末卷
則楊凝式并無名人帖上皆有內府圖書宣和
及紹興小字印章或睿思殿印如李紳告身高
廟後有親筆跋語黃庭經懷素顛草則有李主
建業文房之印視今長沙所鐫筆法迥殊非若
前帖但翻淳化所鐫閣帖

羣玉堂帖

十卷本平章韓侂胄自鐫其家藏墨蹟閱古堂
帖是也首卷全刊南渡以後帝后御書

讀書附志載御

臨法帖十卷秦檜跋兼有晉唐諸人或出於此
○癸巳又五月於舊帖背面見宋思陵所臨右

軍帖廿餘行紙墨頗舊有御書之寶及小字御
札即在焉字畫雄偉而乏古人頓挫筋骨不知

羣玉帖邪抑鳳墅二卷則晉隋名賢帖第二卷
七朝宸翰之一也末無名

人草書小字最佳曾見南潯董氏殘帖中三則唐名賢帖四則懷素

千文五六暨九卷悉本朝名賢帖七卷全刊山

谷書八卷全刊米元章書第八卷米元暉書曾
見孫北海所藏刻手

精絕在御府
米帖之上末卷則蔡忠惠石曼卿帖開禧末

韓以罪死籍嘉定改元被旨擬入祕省乃易今

名袁清容云向水文簡公字叔堅裔孫當佐曹
聚閱古圖畫皆出冰鑒定自淳熙後圖籍攷

訂之處惟雪溪向氏梁溪尤延之諸暨王順伯
三人然字畫最惡拙及今與僕遂成四人○清
容書學米頗
工此謙也

鳳墅帖

二十卷嘉熙淳祐閒勒石寘吉州鳳山書院七

年乃成初卷七朝宸翰二卷東都名相名賢帖

三則東都南渡廷魁帖宋人重狀元如此其四

則熙豐黨人暨崇觀攻黨帖五則清江三劉帖

六則曾南豐暨武城帖七則蔡忠惠暨蘇帖八

則蘇門諸賢帖九則歐陽文忠唐三宗贊橐司

馬文正議百官表書東坡翰苑制臺十則東都
名賢詩贊六一集古跋十一則黃太史帖十二
則米元章寶晉帖十三則南渡名相帖十四則
南渡執政帖十五則南渡儒行并續廷魁帖十
六則紹興正論暨慶元正人帖十七則南渡文
藝帖十八十九則南渡詩文題跋二十則吳紫
谿范石湖楊逃禪帖悉本朝聖君名臣真筆目
所見者若夫異代字蹟則前賢鐫刻已備展轉
謄模愈失其真且亦欲類吾宋三百年閒書法

自成一家以傳無窮古刻皆存巨温王處仲字
意有所在予亦不敢削巨姦遺墨以長前志蓋
視古帖亦猶續通鑑云爾

畫帖

二卷上則宣和墨戲道子風雲圖伯時九歌圖
等十二段下則羲之蘭亭圖并敘文考訂
時賢鳳山題詠二卷

續帖

二十卷淳祐間接續前帖入石編類滿卷方能

施工首卷東都名賢文忠烈等帖二卷歐陽公
梁史斷橐康節逢春吟三卷江南李主吳越錢
王暨東都名賢帖四卷忠義程剛愍楊忠襄南
渡將相名賢帖五卷向文簡呂文靖宋景文東
都名賢帖六卷羅愈試銜告身女真閩主等僞
宣制度外帖七卷胡文定致堂五峯南渡儒行
帖八卷乾淳續相南渡名賢帖陸放翁楊誠翁
書語孟章句并詩文九卷李梁谿游青原詩十
卷范石湖游大仰七言詩十一卷再游大仰五

言詩并帖十二卷東都宰相張文懿晏元獻龐
莊敏蘇司空陳文恭王文恭趙清憲唐少宰劉
文安書翰十三卷南渡宰相史越王鄭魏王秦
申王此卽賊臣檜小東十四卷名賢范文正馬忠肅

蒲密院吳密院劉忠定蔡紫微鄭左丞薛恭敏
劉次對劉徽學小東十五卷東都文藝蘇滄浪
陸學士孔舍人蕭僕卿蕭理丞詩文十六卷文
藝薛錢塘劉屏山趙撫守章莊敏林和靖蘇後
湖韓南澗王復齋張于湖羅與齋陳少卿劉正

字趙章泉詩跋躡躑凡經六館自惟藏拙埜墅
踰二十載挂冠又已十年衰頹八袞豈能更出
門戶家藏者哀鐫無遺鄉之故家轉假亦竭士
夫經從各有好尚有亦罕攜自隨儻絕筆以竣
後人誰其同志不若參取奎畫名墨表表在人
耳目帖所缺者緝而繼之不敢執初志以不見
眞墨而略庶可備皇朝文物之盛乃於後第十
七卷首取太祖書大宋一統字太宗雜書英宗
賜懷璉批神宗書西郊書詩哲宗書罰弗及嗣

四字欽宗書琢玉賦憲聖吳后書歸田賦十八
卷則東都名賢徐騎省胡文恭趙清獻楊文公
唐質肅滕章敏錢文肅錢內翰包孝肅雜帖十
九卷東都文藝石徂徠張存誠沈存中唐彥獻
王仲至沈獻達楊無爲石曼卿詩東二十卷東
都名賢劉巨濟薛道祖蘇才翁毛東堂周清真
賀慶湖李文敏楊龍學張祕閣詩文於是正帖
續帖皆滿二十卷而名畫題跋又有二帖鳳墅
鐫終始大略如此其閒彙次不能盡如人意者

得之有先後也末如之何

前帖十冊

板六百四十四板

石一百七十片

字六萬五千三百九十二字

續帖八冊

板五百七十六板

石一百四十一片

字四萬四千二百六十字

畫帖一冊

板八十板

石十八片

字六千一百九十七字

題詠一冊

板八十板

石二十一片

字五千二百八十字

總二十冊

板一千三百八十板

石三百五十九片

字十二萬一千一百二十九字

太宗削平僭偽四方圖籍悉輸御府江南文物素盛藏蓄前代遺墨雖富然雜以倣帖淳

化三年詔侍書王著編次爲十卷刻之石旣
藏禁中非命賜近臣無自印榻潘正夫居絳
乃增改衍爲二十卷官又刻置郡齋次慶歷
五年乙巳錢希白臨摹於長沙皇祐中蕭汝
器汝智刊之於和載以歸廬陵元祐五年劉
次莊臨刻於清江皆閣前帖之翻本武岡帖
獨絳之翻本惟後九卷藏眞跋則橫刊視絳
之直行爲勝而人反輕之是歲又詔以祕閣
續得前代遺墨入石爲續帖亦十卷至建中

靖國乃成實居長沙廬陵清江翻帖之後大
觀三年王家又刻帖十二段於汝州與絳閣
二帖皆殊鼎帖則紹興十一年張斛錢梓始
能合諸帖而總爲緒正凡二十二卷歲月近
在南渡之後故及入閣之續帖并汝帖於帙
中南渡續閣帖雖與前帖同鑄於淳熙十二
年卻皆續得唐朝遺墨與諸帖亦異羣玉堂
帖則前代與本朝遺墨相雜鳳墅帖則盡本
朝書翰今閣舊本前後帖暨汝與絳淪隔敵

境廬陵帖又散墜遺失不復可得惟脩內司
新翻閣之前帖暨續刊後帖及長沙清江武
岡武陵四郡所存之本世可得也若章貢衡
陽曲江入桂三山諸處亦多有帖皆命意不
同隨其所有則鑿之石非全書也不能具載
戊申仲春曾宏父因鋪敘諸帖筆於冊尾

蘭亭敘

永和九年暮春王右軍與親友四十二人脩禊
於蘭亭揮毫製敘興樂而書道媚勁健謂有神

助醒後連日再書數十百紙終不能及右軍自
珍愛之祕藏於家七傳而至智永子徽之派也
舍俗爲僧居越之永欣寺以其手臨真草千文
八百餘本散施浙東諸寺蘭亭序則以授弟子
辯才俗姓袁梁司空昂之元孫辯才寶愛此帖
藏之寢室梁上置匣以貯之人所罕見唐太宗
酷好二王書聚真蹟幾三千六百紙暇日與魏
證論二王書法證曰右軍存日自喜者蘭亭序
今在辯才所太宗欲卽取之證曰辯才寶此過

於頭目未易遽索後召至長安因作贗本以示
之辯才曰右軍作此三百二十五字夢天台白
雲子傳授筆訣以永字爲法深恨所 收真蹟

兵火之餘求之不獲上畱辯才而密遣搜訪但
得智永千文以歸繼辯才託疾還山房元齡薦
御史蕭翼負才藝多權謀必能稱旨翼梁元帝
曾孫也太宗以命之翼曰若作公使義無可得
之理願得二王雜帖三數通閒行以往太宗給
之翼遂易冠微服至湘潭隨客舟至越潦倒真

得山東書生體每旦必入永欣寺觀畫壁過辯
才院則休於門辯才見之問曰何處檀越翼荅
以北人寒暄纔畢語意投合延入圍棊撫琴握
槊談文情甚相得便畱夜飲設缸面新筍江東
云缸面猶河北甕頭新醞也酒酣探韻賦詩辯
才得來字詩曰初醞一缸開新知萬里來披雲
同落莫步月共徘徊夜久孤琴思風長旅鴈哀
非君有祕術誰照不然灰翼得招字詩曰邂逅
款良宵慙慙荷勝招彌天俄若舊初地豈成遙

酒蟻傾還泛心猿躁自調誰憐失羣翼長苦業
風飄妍蚩略同彼此諷詠自恨相知之晚曉乃
去以再會翼乃載酒赴之綢繆踰月翼示以乃
祖手畫職貢圖辯才歎賞不已因談論翰墨翼
曰先世皆傳二王楷書法自幼耽翫亦有數帖
自隨辯才欣然約以明日攜至如期而往熟視
數過曰是則是矣非得意時書貧僧有一真蹟
翼曰何帖荅以蘭亭翼佯笑曰數經亂離真蹟
豈在辯才曰先師寶惜臨終親付於吾付授有

緒明旦來看翼至辯才自梁上匣內出之翼見
故指瑕摘類紛競不定自示翼之後不更置梁
上并翼二王帖竝借畱几閒辯才時年已八十
餘日臨數過老而彌篤翼往還旣密無他猜嫌
偶出赴嚴遷家齋翼來謂守房弟子曰忘淨巾
在內乃爲撤關遂竊蘭亭序并借畱二王書亟
出入永安驛呼驛長凌愬告曰我是御史奉墨
敕在此可報汝都督齊善行馳至則宣示墨敕
促召辯才時猶在嚴遷家聞命不知所以見所

謂御史乃翼也聞取帖驚倒仆地久始甦翼遂奉帖馳驛以進太宗大悅擢爲員外郎賜以金縷瓶瑪瑙碗等始怒老僧慳吝不欲加刑數日後仍賜物三千段穀三千解辯才不敢私有回施於寺建塔三級自是驚悸成疾歲餘卒太宗旣得帖命供奉趙模韓道政馮承素諸葛貞四人各榻數本分賜皇太子諸王近臣而一時能書如歐虞褚諸公皆臨榻相尚二十三年太宗不豫幸玉華宮含風殿謂高宗曰吾從汝求一

物高宗哽咽引耳而聽太宗曰吾所欲蘭亭序

可與我去暨大漸褚遂良請以從葬昭陵世無

從見矣唐會要云貞觀初搜訪王羲之等真蹟人閒古本彙集令魏徵虞世南褚遂良

等定其真蹟及小王張芝等亦隨多少勒為卷帙其後蘭亭一本相傳云將入昭陵又一本長

安神龍之際太平安樂公主借出外榻寫因此遂失所在今流俗有所謂神龍蘭亭者緣此附

會也然會要所載止言失墜之由長安神龍莫定其時太平安樂未審其人其一本者為即蘭

亭邪抑他蹟邪傳聞異辭約言之耳作偽者之憤憤為可笑也

右見何延之蘭亭記尚書故實并唐野史若

劉餗嘉話則載蘭亭序梁亂出外陳天嘉中

爲僧智永所得至大建中獻之宣帝隋平陳
帖歸晉王王不之愛僧果從王借榻及登位
終不求索僧果死辯才得之太宗爲秦王因
見榻本知在辯才處遣蕭翼取之武德四年
入秦府貞觀十年始榻以分賜近臣若錢後
人希白所撰南部新書則言太宗在秦邸時
歐陽詢就越詐求之武德四年入秦邸反榻
本以送辯才

南部新書云麻道嵩奉教榻兩本一送辯才一王自收嵩私榻

一趙景安雲麓漫鈔引唐野史載智永所居

之寺曰雲門會稽志則云僧永與其兄惠欣
本住郡之嘉祥寺右軍舊宅也梁武以二僧
能崇釋教合二名改賜額永欣云

處士鄭元素溫韜之甥隱廬山青牛谷四十餘
載自言從韜發昭陵入隧道至元宮見宮室制
度宏麗幽深殆類人世正寢東西廂皆列石榻
上列石函中有鐵漆匣悉藏前代圖書及鍾王
墨蹟祕護謹密紙墨如昨盡爲所掠韜死不知
流散之所

右見鄭工部所編南唐近事

定武蘭亭刻

齊東野語載姜堯章禊帖偏旁攷云永字無畫發筆處微

折轉

和字

口下橫筆稍出

年字懸

筆上湊頂

在字左反剔

歲字有點

在山之下戈畫之右

事字脚斜拂不

挑

流字內云字處就回筆不是點

殊字

挑脚帶橫

是字下疋

凡三轉

不斷

趣字波略反捲向上

欣字欠

右一筆作章草發筆之狀不是捺抱

字已開口

死生亦大矣亦字是四點

興感感字戈邊是直作一筆不是點

未嘗不字下反挑脚處有一闕

曾宏父別有審定訣云書家一詞稱定

本審定由來有要領氈墨或因三疊紙

鉞爪天成八段錦中古齊列九處刻最

後湍流五字損界畫八麤九更長空

一行言不盡。○洞天清祿集又云痛字改筆處不模糊興感之由由字類申管弦之盛盛字之刀鋸如鉤是日也觀宇宙兩行之閒界行最肥直界腳十字下

出橫

關外

唐太宗詔供奉臨蘭亭序惟率更令歐陽詢所
榻本奪真勒石畱之禁中他本付之於外一時
貴尚爭相打榻禁中石本人不可得石獨完善
石晉不綱契丹自中原輦寶貨圖書以北至殺
虎林德光死永康立國乃交兵遂棄石而歸慶
歷中李學究者得之韓忠獻壻也始以墨本示

公公索石觀李瘞之地中李死其子出石始售
於人本必千錢由是好事者稍稍得之後李氏
子負官緡無償時宋景文公守定武乃以公帑
金代輸取石匣藏於庫非貴游交舊不可得也
熙寧閒薛師正出牧求者沓至薛惡其模打有
聲乃刊別本於外多持此以惠求者此郡真贗
已有二刻矣其子紹彭又模之他石潛易元刻
暗以自別遂於古刻湍流帶左右五字各劓損
一二筆爲識或又謂古蹟仰字如鍼眼殊字如

蟹爪列字如丁形又云字微帶肉乃唐古刻大
觀中詔取此石於薛氏家其子嗣昌納進御府
徽廟龕置宣和殿危太樸云金人陷維揚裏以
去金主怒棄之河中此說不
知何自得之疑亦仍傳聞之妄
也石今焉往落東夷殆歎此

右見何子楚跋語若滕章敏公則謂有游士
攜此石走四方後死於定武營妓家伶人孟
水清取以獻是石本歸諸定武雖有二說然
皆宋景文公守郡日也

薛紹彭既易定武石刻祐陵取入龕置殿閣靖

康之亂金人盡取御府珍玩以北此刻非敵所
識獨得畱焉宗汝霖爲畱守見之并取內帑所
掠不盡之物馳進高宗時駐蹕維揚日置左右
踰月敵騎大至倉卒渡江因此竟再失之向子

固爲揚帥高宗嘗令冥搜之竟不獲薛道祖題
脩禊序詩

云文陵不載啓古刻石已殘鋒芒久自滅如出
撮筆端臨池幾人誤詎意筆意完正觀賜榻本
尚或評衣冠茲實兵火餘分派非殊源妙用無
隱跡神明當復還祕藏懼不廣摹勒金石刊庶
幾將墜緒可續後世觀來
者儻護持何止敵璵璠

右見王明清揮麈錄

高宗宸翰 御札所求即所謂三米蘭亭與定武本無與而揮塵錄云子固

帥揚嘗令冥搜者又緣此而傳聞致誤也

聞知會稽縣向子固有褚遂良所臨蘭亭敘後有米芾題識卿可取進來欲一閱之

十四日 付孟庾 押

蘭亭敘卻付卿

廿四日 押

宏父 恭觀 顧本宏父恭觀在宋高宗宸翰之前 高宗御札二本

一則付孟庾令於會稽向子固家取索米芾

所跋蘭亭敘一則付還疑卽尋訪定武石本
二宸翰孟之子以與腴莊張履履以畀宏父
以敬勒石於鳳墅畫帖後卷又觀王大醇詩
有云昭陵未闕千年跡定武相傳幾樣碑此
是中原舊時本石今焉往落東夷未知何所
憑據而云

六一先生集古錄

文忠流派自亂離南渡始寓雪川繼歸廬陵元
孫從立人傍排名者二十三人

江陵支使儁分司總幕俱則監丞發之曾孫

名契者寺丞奕之曾孫也嘗持五代史梁彙遺

周益公

鄱陽郡守伋則奏院辨之曾孫也

後俱遷豫章伋徙浙西惟儁之子孫莫居鄉郡

伋之孫繼文頃班改宰長興襲公遺澤已六世

矣

集古錄舊千卷皆先以古帖而繫以題跋縫用

名印儁之南來悉棄帖而畱跋四失其三可考

者二百六十有八

內一百五十一跋儁之所藏樞使王藺爲鐫石

豫章分爲上下後三帙

又十二跋亦儁所藏十七跋則儁之所藏五十

五跋在周益公書樓一十跋在張永守爽家廣

憲方崧卿合而鐫石廬陵分爲四卷

又二十二跋在三衢汪書達家鄭寺丞寅出守

廬陵蓋汪之甥模丹以來亦鐫石郡齋四跋重

複當時橐草也間多改竄訂正字蹟大小不同

然皆公親札

今廬陵二百四十六跋散之四方幸存者亦不知幾易主矣三衢二十二跋亦不為汪氏有比褚幹趙與嶽分司於此汪之懿親也為予言汪之子卒於官所其婦挈之婺女父家玉山兩世所蓄嘉畫名帖無片幅存者吁物聚於所好迨好者死則又移諸有力之強理之常也淳祐壬

寅書於家藏集古錄一十一跋之尾曾宏父幼

卿廷博案戴石屏集有曾幼卿攜歌舞者游鳳山詩閒者軒帖考作又卿竹垞老人跋作季

卿俱似
誤書

石刻鋪敘二卷宋建昌曾宏父撰卷末有後
序書字季卿其敘孟蜀九經及思陵御書石
經本末特詳又南渡以後祕閣帖亦詮訂有
序按宏父本名惇紹興十三年以右朝散郎

知台州府事其以字稱者避光宗諱也

案宏父跋

集古錄在淳祐壬寅自高宗紹興十三年癸亥至理宗淳祐二年壬寅相去凡九十九年
至鳳墅帖後戊申字則為淳祐八年相去一
百又五年則宏父乃別一人非空青之子名
惇者也竹垞跋語殊誤後生又同時趙希弁
讀書附志中載宏父鳳墅等帖亦云廬陵曾

宏父非建安也臨安書肆陳思輯寶刻叢編援據頗

廣叢編所引之書止集古錄集古後不為多竹垞好附會往往如是顧不及

是編予從射瀆就堂上人鈔而藏之不啻象

犀珠玉之外網得珊瑚木難然秀水朱彝尊

跋

康熙辛卯得顧可承家舊鈔本稍正數字顧

名德育廉吏榮甫之子也焯記

去春得宋廬陵曾氏鳳墅殘帖二冊於錢塘

今來都門聞益都李南澗鈔得石刻鋪敘亟

假歸手寫而藏之秀水朱錫鬯跋譏陳思寶
刻叢編援据不及是編按鳳墅帖刻于嘉熙
淳祐閒鋪敘諸石刻斷手于戊申仲春則淳
祐八年也若陳思之叢編成于紹定辛卯計
其年月乃在曾帖之前何由得見而引之南
宋有兩曾宏父朱所引紹興十三年知台州
事者乃空青之子避光廟諱以字稱者與幼
卿本非一人頃杭人刻南宋雜事詩徑題此
書爲曾惇撰則又承朱之誤而甚焉者矣秀

水攷稽號稱精審猶有此失校書之難如此
乾隆己丑九月二十二日嘉定錢大昕書于
官菜園寓舍

石刻鋪敘卷下

家塾藏石刻鋪敘凡四冊一爲錢塘丁徵君

敬

龍泓館校本一爲雲間沈先生

大成

手臨

何義門評本一爲嘉定錢宮詹

大昕

新刻本

一爲海鹽張君

燕昌

瓜圃鈔本丁本爲某氏

借閱不歸謹就三本參校開雕而疏其異同
如左刻甫竣適有以鳳墅石刻襖圖求售者
復爲校勘下卷蘭亭序一過似亦非偶然也
乾隆壬寅九月一日知不足齋記

上卷

孝經一冊二卷。沈本作一卷今從錢張本。一頁後五行。

周禮四十二。沈本作四十三今從錢張本。四頁前七行。

儀禮三十一。沈本作二十一今從錢張本。四頁前八行。

鳳墅前帖。沈張本無前字今從錢本。七頁後七行。

續帖。沈張本無今從錢本增入。七頁後十行。

李廷珪墨。廷錢張本俱作庭今從沈本。八頁後五行。

俾蔡京書口及卷首。三本俱空一字。九頁後二行。

憂勞。錢張本俱作夏勞今從沈本。廿一頁後一行。

閣帖同其人而全換其帖云云。沈錢本俱脫此條今

据張本補。廿一頁後九行

下卷

慧照師

照三本俱作昭今訂正。一頁後二行

蕭太博

博沈張本俱作傅今從錢本。二頁後六行

亘十七卷之首而止

亘字疑互三本同仍之俟訂正。六頁後

一行

亘溫

曾避欽宗諱作亘錢本仍之沈張本俱改作桓今從錢本。九頁後一行

楊誠翁

翁宜作齋三本竝同仍之俟攷。十頁前七行

西郊書詩

書字疑行三本竝同仍之俟攷。十一頁前九行

真草千文

石刻禊圖草作蹟。十四頁後

深恨所口真蹟

三本所字下俱作以字石刻禊圖無之蓋衍文。十

五頁前三行

妍蚩略同

蚩沈張本俱作嗤錢本及石刻禊圖俱作蚩今從之。十六頁

前二行

約以再會

約字据石刻禊圖補。十六頁前三行

歲餘卒太宗既得帖

錢本云歲餘空二字張本云歲餘卒

成怖卒石刻禊圖云歲餘而卒帝得帖今從沈本。十七頁前五六行

反榻本以送辨才

反沈本作及與石刻禊圖同今從錢張本。十

八頁前七行

南唐近事石刻禊圖作南唐紀。十九頁前一行

歐陽詢所榻本石刻禊圖云歐陽詢自榻之本。十九頁後四五行

徽廟龕置宣和殿石刻禊圖此句下有金人之亂不知所矣八字

玩文義所下當有之字。廿頁後三行

若滕章敏公則謂有遊士石刻禊圖則誤作所遊士誤作

述石。廿頁後五行

因此竟再失之石刻禊圖再作復。廿一頁前四行

宏父恭觀石刻禊圖恭作嘗。廿一頁後八行

以敬勒石於鳳墅畫帖後卷

石刻禊圖云敬勒石在前

。廿二頁前三行

未知何所憑據而云

石刻禊圖無而云二字下接云宏父勅鳳

山書院於廬陵去郡城遠不二三里深得林泉之勝雖夏旱冬涸滂流自如稍

東卽泉所發源地鑿石引水為國樣流杯池置亭其上友人惟揚倅朱行父名

以引流閒拉十數親友緬蹈前躅因刊禊圖并考訂所以就為小詩題贅于後

時淳祐改元歲次辛丑斗柄插亥上澣壬子日也鐫石于廬陵鳳山別墅曾宏

父謹識。暮春浴罷振春衣正是流觴脩禊時世事藏機應落落人情忘我總

熙熙醉能辭醉元非醉詩到無詩乃是詩偉矣蘭亭衆君子不將文字立藩籬

○案石刻國樣二字似誤維揚維字作
惟或是曾家諱○廿二頁前六行

名僕者

僕張本作僕今從錢沈本○廿二
頁後二行

皆公親札

札張本作筆今從錢沈本○廿
三頁後一行